

Asiasi i le Seti Vitio o le Tusi a Mamona

Saunia e le Au Peresitene Aoao o le Peraimeri

E lei leva atu, sa matou asiasi atu ai i se tasi o seti o loo pueina ai se vitio fou o le Tusi a Mamona. Sa matou matamata i le vaega na asiasi atu ai Iesu Keriso i tamaiti taitoatasi.

Sa matou matamata a o pai atu tamaiti i lima o le tagata na avea ma Iesu. Sa ia tautala atu iā i latou i se auala agalelei ma agamalu, e pei lava ona faia e Iesu.

Sa tau mai e tamaiti ia i matou ona o lo latou aafiaga, na atili ai ona malosi a latou molimau i le Tusi a Mamona. Na afio mai *lava* Iesu i sa Nifae. Sa Ia faamanuina *lava* tamaiti. E moni le tala.

E mafai foi ona e iloaina. Suesue le Tusi a Mamona. Matamata i vitio o le Tusi a Mamona. A o e faia, e mafai ona e faalatalata atu iā Iesu. E pele oe ia te Ia. Ma o le a fesoasoani le Agaga Paia ia e lagonaina le alofa ma le filemu o le Faaola. ●

O le tagata na avea ma Iesu e agalelei ma agamalu.

I lenei vaega, na siiina i luga agelu i le ea i uaea!

Na fesoasoani lenei teine i le tagata faatonu meapueata ia toafimalie.

Sa fiafia le au peresitene o le Peraimeri e feiloai i tamaiti i luga o le seti vitio.

E toatele tamaiti na mafai ona i ai i le vitio.

E mafai ona e matamata i vitio o le Tusi a Mamona i le ChurchofJesusChrist.org.

Sa pei sa ou ola i le Tusi a Mamona.
Emoani W., 11 tausaga

Na fesoasoani ou te iloa na asiasi atu Iesu i nei tagata.
Isaac P., 7 tausaga

Ina ua faaali mai Iesu ma agelu, sa ou fiafia ai.
Lilly W., 8 tausaga

E mafai ona e faasoa atu le vitio i tagata uma!
Castle W., 9 tausaga

O le a e aoao atili e uiga ia Iesu Keriso.
Christina C., 9 tausaga

Na ou mafaufau ai pe faape'i le feiload'i ma Iesu.
Rhett M., 4 tausaga

